

Populares e empresarios
rosman o mesmo sermón
facendo coro coa banca
e Rouco na procesión.

Mentres os sociatas dormen
buscando novo talante
andan co rumbo perdido
sen ninguén que os levante.

Privatiza e privatiza
que o negocio da pra todos
uns chupan do oficial
outros reparten dos fondos.

Creban o sector público
con métodos agresivos
e convérteno en comercio
con fins especulativos.

Contra este mangoneo
hai anoxo e crispación
nas cidades abrollaron
mareas de indignación.

A xente berrou nas rúas
en actos de dignidade
é cousa dos cidadáns
defender a liberdade.

Veremos canto nos dura
tamén o queren quitar
entre multas e sancións
ninguén sae a protestar.

Os ministros de Rajoy
non lle fan caso ningún
sempre lle preparan “cristos”
co que inventa cada un.

Gallardón é co aborto
e co ensino está Wert
non falemos de Montoro
que nos quere espremer.

E nisto que chega Wert
con unha gran solución
para que avance o país
recorta na formación.

O desastre educativo
do ministro cada-Wert
semella un gran milagre
no que teremos que crer.

O mandamais da xustiza
protéxenos coa verdade
cando recorta os dereitos
e perdemos liberdade.

Primeiro foron as taxas
despois tocoulle aos xulgados
son favores para os ricos
para os pobres os pecados.

Agora seica vai pór
unha lei con penitencia
para que moitas mulleres
non decidan en conciencia.

Con Montoro e mais con Báñez
España vai sobre rodas
retraendo en marcha atrás
e con implacables podas.

Aínda temos que lembrarnos
da xefa da sanidade
entre recorte e copago
elimina a calidade.

Privatizaron as Caixas
facéndoas estranxeiras
e a moitos preferentistas
baleiráronlle as carteiras.

O concepto de cultura
éche o de Marca España,
todos os días con fútbol,
bailes, touros e unha caña.

O goberno xa enredou
ca lingua dos cataláns,
quérena como en Galicia,
que a falen catro cans.

Outro ano a realeza
aparece imputada
con Cristina declarando
que con ela non vai nada.

Toda a culpa é do Iñaki
que non soubo o que facía
e por iso a infanta
dixo que o defendía.

Ela ignoraba todo
cando a xente xa ouvía
que o duque defraudaba
ao bafo da monarquía.

Imos dar a despedida
adiviñando outros tempos
onde non haxa corruptos
nin pobreza para os nenos.

Cun ronsel de agarimos
cheos de ilusión nos petos
dicímosvos ata o ano
deixando adeuses nos beizos.

MAIO

C.E.P. CAMPOLONGO



ANO 2014

Vimos a cantar o Maio á praza da boa vila cada verso é un agasallo cada copla unha benvida.	Asubía o paspallás no bicarelo do día abanica a lavandeira polo azul do mediodía.	Ata ben as competencias e non cedas nos dereitos que o Caballero por Vigo é capaz de entrar en preitos.	E unha Xunta en devalo sen ningunha confianza cun goberno que precisa dunha boa gobernanza.
Neste intre xa resoan as letriñas retranqueiras son cantos de Campolongo aledando á primavera.	Outro ano neste entono o Maio brada un desexo que non devoren ao débil con prácticas de saqueo.	Coa oposición non contes Moreira segue ao ditado o que mandan os de arriba é un edil ben guiado.	Os datos son concluíntes: diminúe a poboación hai máis paro e pobreza e aumenta a corrupción.
Compuxemos estas coplas os nenos con alegría para logo entoalas na fermosa Ferraría.	A ensinanza é noticia con moitísima razón por mor da grande desfeita que sofre a educación.	Só lle preocupa o lixo e os soldos que terán con estas miras tan curtas cantos votos xuntarán?	Rajoy di que a crise pronto vai a remontar de tanto repetir o mesmo a xente vai rebentar.
Celebramos esta festa cantando na nosa lingua queremos que o galego siga rexo e sobreviva.	Tantos cambios e recortes no sistema educativo pra chegar os do informe con outra vaca no millo.	Non fai así a Biempica ela ten criterio propio e abandona o seu grupo porque non recibe apoio.	O que fixo nestes anos recortar e recortar encher peito e prometernos que todo vai mellorar.
Erguemos a nosa fala nos asubíos do vento cunhas verbas que estalan de orgullo e sentimento.	Chove sempre sempre chove por abaixo e por riba tamén choveu na escola choveu auga pinga a pinga.	Santiago ten unha meiga Santiago vive enmeigado co seu grupo de goberno declarando de imputado.	Afirma que xa medramos porque baixan os parados de mentiras e recortes diso xa imos sobrados.
Levantouse ledo o Maio para vir criticar a fermosura que loce deixa sorrisos no ar.	Pasamos todo o inverno co corredor anegado non se dispuxo de cartos para arranxar o tellado.	Foi caerlle o maleficio cos ediles populares despois de tocar poder xa se acusa a dous alcaldes.	El segue erre que erre cun discurso moi seguro mentres o país se afunde agardando outro futuro.
Vén cuberto de fiúncho e de calas ataviado canta beleza atesoura este Maio engalanado.	Andamos con moito tino polo chan todo mollado patinaxes e caídas deron algún lesionado.	Mentres o señor Feijóo está sereno e tranquilo ata que estoupe a verdade e os senten no banquiño.	As cousas van a mellor co mandato popular e polo mundo a noticia é dos que están a roubar.
Tamén leva margaridas e pampullos enfiados con elegantes camelias engabuñadas de orballos.	Con seiras e con caldeiros recollemos as pingueiras e para poder pasar aproveitamos as beiras.	Daquela dirá que chove como é o natural o taparse uns a outros xa se fai habitual.	Malia os que desgobernan non se informan do que pasa hai xente con moita fame outra bótana da casa.
De ovos e de laranxas igualmente coroado xa pode quedar contento de como vai rematado.	Están tapando os furados con remendos na cuberta cando volva a chover entraremos en alerta.	Así lle vai a Galicia condenada a esperar que cumpran co prometido cando fomos a votar.	A política viaxa de costas aos cidadáns co suborno nos partidos con ladróns e folgazáns.
Moito te gabamos Maio todo enfeitado de cores ulindo á primavera e ao recendo das flores.	No Concello non hai cartos nin afán de recadar por iso co Multamóvil só van amedrentar.	Os gobernantes galegos andan na verza abraída entre amaños e enganos deixan á xente amolada.	Presidentes, secretarios e outros mandos de a pé seica agochaban os cartos en contas da caixa B.
Canta o cuco paroleiro polos vieiros do ar canta ledo en Pontevedra co seu cuqueiro cantar.	Na cidade hai comentarios polo tema xudicial Lores garda a gabardina e defende a capital.	Cun parlamento que aspira a practicar democracia restrinxindo aos xornalistas que non lle caen en gracia.	Políticos que esconden tras o seu rostro a verdade e aparecen corrompidos con falla de honestidade.